



ELECTRICITY GENERATION COMPANY OF BANGLADESH LIMITED

(An Enterprise of Bangladesh Power Development Board)

Unique Heights (Level-15 & 16), 117 Kazi Nazrul Islam Avenue, Eskaton Garden, Dhaka-1217
Tel: 55138633-36 (PABX), Fax: 880-2-55138637, E-mail: info@egcb.com.bd, Web: www.egcb.com.bd

ইজিসিবি এর বিভিন্ন দপ্তর/বিভাগের সমন্বয়ে অনুষ্ঠিত অক্টোবর-২০১৯ মাসের মাসিক সমন্বয় সভার কার্যবিবরণী

সভাপতি	প্রকৌশলী অরুন কুমার সাহা ব্যবস্থাপনা পরিচালক, ইজিসিবি।
সভার তারিখ	১৪/১০/২০১৯ খ্রিঃ
সভার সময়	সকাল ০৯:৩০ ঘটিকা
স্থান	ইজিসিবি এর কর্পোরেট অফিসের কনফারেন্স রুম
উপস্থিতি	পরিশিষ্ট “ক”

সভাপতি সভায় উপস্থিত সদস্যবৃন্দকে স্বাগত জানিয়ে সভা শুরু করেন। সভাপতির অনুমতিক্রমে তত্ত্বাবধায়ক প্রকৌশলী (পিএন্ডডি) বিগত ১৬/০৯/২০১৯ তারিখে অনুষ্ঠিত সভার কার্যবিবরণী উপস্থাপন করেন এবং কোন সংশোধনী না থাকায় কার্যবিবরণীটি দৃঢ়ীকরণ করা হয়। অতঃপর আলোচ্যসূচি অনুযায়ী নিম্নবর্ণিত বিষয়ে বিস্তারিত আলোচনা এবং সিদ্ধান্ত গৃহীত হয়ঃ

আলোচ্যসূচি-০১ সিদ্ধিরগঞ্জ ২X১২০ মেঃওঃ পিকিং পাওয়ার প্লান্ট হতে নিঃসরিত তাপ ব্যবহার করে নিকটস্থ শিল্প-কলকারখানার জন্য বাষ্প উৎপাদন

আলোচনা	সিদ্ধান্ত	বাস্তবায়ন
সভায় প্রধান প্রকৌশলী, সিদ্ধিরগঞ্জ ২X১২০ মেঃওঃ পিপিপি অবহিত করেন যে, সিদ্ধিরগঞ্জ ২X১২০ মেঃওঃ পিপিপি'র গ্যাস টারবাইন ইউনিট হতে নিঃসরিত তাপ থেকে বাষ্প উৎপাদন করে তা নিকটস্থ শিল্প-কলকারখানায় সরবরাহের লক্ষ্যে এ বিষয়ে নিয়োগকৃত পরামর্শক প্রতিষ্ঠানের প্রতিনিধির সাথে আলোচনা করা হলে তারা জানায় যে, বর্ণিত প্রকল্পের জন্য জমি অধিগ্রহণের চেষ্টা চলছে এবং জমি পাওয়া যাবে মর্মে নিশ্চিত হওয়া গেছে। উক্ত জমি অধিগ্রহণ সম্পন্ন হলে মূল প্রকল্পের কার্যক্রম গ্রহণ করা হবে।	সিদ্ধিরগঞ্জ ২X১২০ মেঃওঃ পিপিপির গ্যাস টারবাইন ইউনিট হতে নিঃসরিত তাপ থেকে বাষ্প উৎপাদন করে তা নিকটস্থ শিল্প-কলকারখানায় সরবরাহের লক্ষ্যে এ বিষয়ে নিয়োগকৃত পরামর্শক প্রতিষ্ঠানের কাজের সর্বশেষ অগ্রগতি সম্পর্কে জানার জন্য তাদের সাথে যোগাযোগ অব্যাহত রাখতে হবে।	প্রধান প্রকৌশলী, সিদ্ধিরগঞ্জ ২X১২০ মেঃওঃ পিপিপি।

আলোচ্যসূচি-০২ হরিপুর ৪১২ মেঃওঃ কন্সাইন্ড সাইকেল পাওয়ার প্লান্টের ১৩২ কেভি আন্ডারগ্রাউন্ড ক্যাবল ফল্ট

আলোচনা	সিদ্ধান্ত	বাস্তবায়ন
সভায় প্রধান প্রকৌশলী, হরিপুর ৪১২ মেঃওঃ সিসিপিপি অবহিত করেন যে, হরিপুর ৪১২ মেঃওঃ সিসিপিপি'র ১৩২ কেভি আন্ডারগ্রাউন্ড ক্যাবল ফল্টের প্রেক্ষিতে ত্রুটিযুক্ত ক্যাবলটি মেরামতের জন্য উক্ত ক্যাবল এবং সংশ্লিষ্ট জয়েন্টিং কিট এর স্পেসিফিকেশন অনুযায়ী ক্যাবল এবং জয়েন্টিং কিট ক্রয় করার লক্ষ্যে ই-জিপিতে আহবানকৃত দরপত্র মূল্যায়ন সম্পন্ন হয়েছে। ১৭/১০/২০১৯ তারিখের মধ্যে NOA দেয়া যাবে মর্মে সভাকে অবহিত করেন।	হরিপুর ৪১২ মেঃওঃ সিসিপিপির ১৩২ কেভি আন্ডারগ্রাউন্ড ক্যাবল ফল্টের নির্বাচিত ঠিকাদারকে ১৭/১০/২০১৯ তারিখের মধ্যে NOA প্রদান সম্পন্ন করতে হবে।	প্রধান প্রকৌশলী, হরিপুর ৪১২ মেঃওঃ সিসিপিপি।

২

আলোচ্যসূচি-০৩ হরিপুর ৪১২ মেঃওঃ কন্সাইন্ড সাইকেল পাওয়ার প্লান্টে প্রবেশের মূল রাস্তা প্রশস্তকরণ এবং এ লক্ষ্যে জমি অধিগ্রহণ

আলোচনা	সিদ্ধান্ত	বাস্তবায়ন
হরিপুর ৪১২ মেঃওঃ সিসিপিপিতে প্রবেশের মূল রাস্তাটি অত্যন্ত সংকীর্ণ বিধায় উক্ত রাস্তায় বড় কোন গাড়ি এমনকি ফায়ার সার্ভিসের গাড়িও প্রবেশ করা দুরূহ। এ প্রেক্ষিতে প্রধান প্রকৌশলী, হরিপুর ৪১২ মেঃওঃ সিসিপিপি অবহিত করেন যে, হরিপুর ৪১২ মেঃওঃ সিসিপিপির উক্ত রাস্তাটি প্রশস্ত করার জন্য প্রায় ২.২ একর জমি অধিগ্রহণের বিষয়ে ভূমি মন্ত্রণালয়ে একটি সভা অনুষ্ঠিত হয়েছে। এ বিষয়ে ভূমি মন্ত্রণালয় হতে নারায়ণগঞ্জ জেলা প্রশাসকের কার্যালয়ে একটি পত্র প্রেরণ করা হবে। একইসাথে মূল রাস্তাটির নকশা এবং প্রাক্কলনসহ দরপত্র তৈরী করতে হবে যাতে জমিটি অধিগ্রহণের সাথে সাথে উক্ত দরপত্র আহবান করা যায়।	হরিপুর ৪১২ মেঃওঃ সিসিপিপিতে প্রবেশের মূল রাস্তাটি প্রশস্ত করার জন্য ভূমি মন্ত্রণালয়ের অনাপত্তি পত্রের জন্য যোগাযোগ করতে হবে। মূল রাস্তাটির নকশা এবং প্রাক্কলনসহ দরপত্র তৈরীর কাজ নির্বাহী প্রকৌশলী (পুরঃ), সিদ্ধিরগঞ্জ ৩৩৫ মেঃওঃ সিসিপিপি প্রকল্প কে দায়িত্ব প্রদান করতে হবে।	প্রধান প্রকৌশলী, হরিপুর ৪১২ মেঃওঃ সিসিপিপি।

আলোচ্যসূচি-০৪ সিদ্ধিরগঞ্জ ৩৩৫ মেঃওঃ কন্সাইন্ড সাইকেল পাওয়ার প্লান্টকে কেপিআই তালিকাভুক্ত করণ

আলোচনা	সিদ্ধান্ত	বাস্তবায়ন
সভায় প্রধান প্রকৌশলী, সিদ্ধিরগঞ্জ ৩৩৫ মেঃওঃ সিসিপিপি অবহিত করেন যে, অত্র বিদ্যুৎ কেন্দ্রটিকে কেপিআই তালিকাভুক্ত করণের লক্ষ্যে কেপিআই টিমকে বিদ্যুৎ কেন্দ্রটি পরিদর্শনের আমন্ত্রণ জানিয়ে ইতোমধ্যে পত্র প্রেরণ করা হয়েছে। ডিসেম্বর মাসের কেপিআই কমিটির অনুষ্ঠিতব্য সভায় এ বিষয়ে সিদ্ধান্ত গ্রহণের প্রেক্ষিতে তদানুযায়ী পরবর্তীতে প্রয়োজনীয় ব্যবস্থা গ্রহণ করা হবে।	সিদ্ধিরগঞ্জ ৩৩৫ মেঃওঃ কন্সাইন্ড সাইকেল বিদ্যুৎ কেন্দ্রকে কেপিআই তালিকাভুক্ত করণের লক্ষ্যে কেপিআই টিমের সাথে যোগাযোগ বজায় রেখে কেপিআই তালিকাভুক্তকরণ কার্যক্রম ত্বরান্বিত করতে হবে।	প্রধান প্রকৌশলী, সিদ্ধিরগঞ্জ ৩৩৫ মেঃওঃ সিসিপিপি।

আলোচ্যসূচি-০৫ সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্পের আওতায় নির্মিত নতুন স্কুল ভবন বিউবোকে হস্তান্তর

আলোচনা	সিদ্ধান্ত	বাস্তবায়ন
সভায় আলোচনা হয় যে, সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্পের আওতায় নির্মিত নতুন স্কুল ভবনটি বিউবোকে হস্তান্তরের লক্ষ্যে কার্যক্রম গ্রহণ করতে হবে। এ প্রেক্ষিতে ব্যবস্থাপনা পরিচালক আলোচনা করেন যে, সিদ্ধিরগঞ্জে বিউবো'র আওতাধীন পুরাতন প্রাথমিক বিদ্যালয় ভবন হতে নতুন স্কুল ভবনে স্থান্তরের জন্য বিউবো'কে এর সাথে যোগাযোগ রক্ষা করতে হবে।	সিদ্ধিরগঞ্জে বিউবো'র আওতাধীন পুরাতন প্রাথমিক বিদ্যালয় ভবন হতে নতুন স্কুল ভবনে স্থান্তরের জন্য বিউবো'কে এর সাথে যোগাযোগ রক্ষা করতে হবে।	প্রকল্প পরিচালক, সিদ্ধিরগঞ্জ ৩৩৫ মেঃওঃ সিসিপিপি নির্মাণ প্রকল্প।

আলোচ্যসূচি-০৬ শূন্যপদ

আলোচনা	সিদ্ধান্ত	বাস্তবায়ন
বিদ্যুৎ কেন্দ্র, কর্পোরেট অফিস এবং প্রকল্পসমূহের শূন্য পদের বিপরীতে পদোন্নতি/জনবল নিয়োগের বিষয়ে মহাব্যবস্থাপক (এইচআর) অবহিত করেন যে, জনবল নিয়োগের লক্ষ্যে বিভিন্ন পদের সমন্বয়ে গঠিত একটি সেটআপ অনুমোদনের বিষয় প্রক্রিয়াধীন রয়েছে। কর্মকর্তাদের পদোন্নতির বিষয়টিও প্রক্রিয়াধীন আছে। এছাড়া, বিদ্যুৎ কেন্দ্রসমূহের জন্য সেফটি ইঞ্জিনিয়ার নিয়োগ দেয়ার পূর্ব পর্যন্ত একজন ইঞ্জিনিয়ারকে অতিরিক্ত দায়িত্ব হিসাবে সেফটি	ইজিসিবি এর শূন্য পদের বিপরীতে জনবল নিয়োগ এবং পদোন্নতির বিষয়ে কার্যক্রম দ্রুত সম্পন্ন করতে হবে। বিদ্যুৎ বিভাগে প্রেষণে নিয়োজিত সহকারী প্রকৌশলীকে ফিরিয়ে আনার ব্যাপারে বিদ্যুৎ	প্রধান প্রকৌশলী ৪১২ মেঃওঃ সিসিপিপি এবং মহাব্যবস্থাপক (এইচআর)।

আলোচনা	সিদ্ধান্ত	বাস্তবায়ন
ইঞ্জিনিয়ারের দায়িত্ব প্রদানের লক্ষ্যে সকল বিদ্যুৎ কেন্দ্রে পত্র প্রেরণ করা হয়েছে। প্রধান প্রকৌশলী, ৪১২ মেঃওঃ সিসিপিপি সভাকে অবহিত করেন যে, উক্ত বিদ্যুৎ কেন্দ্রের পদস্থ একজন সহকারী প্রকৌশলী বর্তমানে বিদ্যুৎ বিভাগে প্রেষণে নিয়োজিত আছেন। এমতাবস্থায়, জনবল স্বল্পতার কারণে বিদ্যুৎ কেন্দ্রে সেফটি সংক্রান্ত বিষয়ের জন্য একজন ইঞ্জিনিয়ারকে অতিরিক্ত দায়িত্ব হিসাবে সেফটি ইঞ্জিনিয়ারের দায়িত্ব দেয়া সম্ভব হচ্ছে না। এ অবস্থায় বর্তমানে বিদ্যুৎ বিভাগে প্রেষণে নিয়োজিত উক্ত বিদ্যুৎ কেন্দ্রের বিপরীতে পদস্থ সহকারী প্রকৌশলীকে ফেরত আনা যেতে পারে।	বিভাগের সাথে আলোচনা করতে হবে। সেফটি ইঞ্জিনিয়ারের Job Description তৈরী করতে হবে।	

আলোচ্যসূচি-০৭ কর্মকর্তা/কর্মচারীদের performance মূল্যায়নের জন্য প্রদত্ত ACR এ নম্বর বিন্যাস

আলোচনা	সিদ্ধান্ত	বাস্তবায়ন
প্রধান প্রকৌশলী (পিএন্ডডি) ইজিসিবি এর কর্মকর্তা/কর্মচারীদের Performance মূল্যায়নের জন্য ACR এর একটি Template সভায় উপস্থাপন করেন এবং এ বিষয়ে বিস্তারিত আলোচনা হয়।	ব্যবস্থাপনা পরিচালক মহোদয় ACR এর উক্ত Template এর উপর মতামতের জন্য আলাদা একটি সভা আয়োজনের করতে হবে।	প্রধান প্রকৌশলী (পিএন্ডডি) – কমিটির আহ্বায়ক।

আলোচ্যসূচি-০৮ উদ্ভাবনী উদ্যোগ ও SIP

আলোচনা	সিদ্ধান্ত	বাস্তবায়ন
সভায় প্রধান প্রকৌশলী (পিএন্ডডি) অবহিত করেন যে, ২০১৯-২০ অর্থবছরের জন্য স্বাক্ষরিত APA অনুযায়ী আগামী ১১ মার্চ ২০২০ এর মধ্যে ন্যূনতম একটি নতুন উদ্ভাবনী উদ্যোগ/ক্ষুদ্র উন্নয়ন প্রকল্প চালু করার জন্য প্রাথমিকভাবে দুইটি উদ্ভাবনী উদ্যোগ নির্বাচন করা হয়েছে। প্রাথমিকভাবে নির্বাচিত দুইটি উদ্ভাবনী উদ্যোগ Presentation এর মাধ্যমে সভায় উপস্থাপন করা হয়। এ প্রেক্ষিতে ব্যবস্থাপনা পরিচালক আলোচনা করেন যে, নির্বাচিত দুইটি উদ্ভাবনী উদ্যোগ উদ্ভাবনী উদ্যোগের মেলায় শোকেসিং করা প্রয়োজন।	২০১৯-২০ অর্থবছরের জন্য স্বাক্ষরিত APA অনুযায়ী আগামী ১১ মার্চ ২০২০ এর মধ্যে ন্যূনতম একটি নতুন উদ্ভাবনী উদ্যোগ/ক্ষুদ্র উন্নয়ন প্রকল্প চালু করার জন্য এবং উদ্ভাবনী উদ্যোগের মেলায় শোকেসিং এর জন্য ব্যবস্থা গ্রহণ করবে। শোকেসিং এর সময় অধিক সংখ্যক দর্শনার্থীকে আকর্ষণ করার জন্য অধিকতর গ্রহণযোগ্য প্রেজেন্টেশন প্রস্তুত করতে হবে।	প্রধান প্রকৌশলী (পিএন্ডডি), আহ্বায়ক, উদ্ভাবনী উদ্যোগ কমিটি/ প্রধান প্রকৌশলী, হরিপুর ৪১২ মেঃওঃ সিসিপিপি/ সিদ্ধিরগঞ্জ ২৪১২০মেঃওঃ পিপিপি/ পিএন্ডডি/ সিদ্ধিরগঞ্জ ৩৩৫ মেঃওঃ সিসিপিপি।

আলোচ্যসূচি-০৯ ইজিসিবি এর ওয়েবসাইট আধুনিকীকরণ

আলোচনা	সিদ্ধান্ত	বাস্তবায়ন
সভায় ব্যবস্থাপনা পরিচালক ইজিসিবি'র নতুন তৈরীকৃত ওয়েবসাইট সম্পর্কে জানতে চাইলে নির্বাহী প্রকৌশলী (আইসিটি) অবহিত করেন যে, অন্যান্য সকল সরকারি প্রতিষ্ঠানের ওয়েবসাইটের মত ইজিসিবি'র তৈরীকৃত নতুন ওয়েবসাইটটি ১৭/১০/২০১৯ তারিখের মধ্যে লাইভে নেয়া সম্ভব হবে।	অন্যান্য সকল সরকারি প্রতিষ্ঠানের ওয়েবসাইটের মত ইজিসিবি'র তৈরীকৃত নতুন ওয়েবসাইটটি ১৭/১০/২০১৯ তারিখের মধ্যে অবশ্যই লাইভে নিতে হবে।	নির্বাহী প্রকৌশলী (আইসিটি)।

আলোচ্যসূচি-১০ Integrated Management System (IMS) বাস্তবায়ন

আলোচনা	সিদ্ধান্ত	বাস্তবায়ন
সভায় তত্ত্বাবধায়ক প্রকৌশলী (পিএন্ডডি) অবহিত করেন যে, ইজিসিবি এর কর্পোরেট অফিস এবং সিদ্ধিরগঞ্জ ২৫১২০ মেঃওঃ পিপিপির Integrated Management System (IMS) সার্টিফিকেট অর্জিত হয়েছে। এ প্রেক্ষিতে ব্যবস্থাপনা পরিচালক আলোচনা করেন যে, ইজিসিবি এর হরিপুর ৪১২ মেঃওঃ সিসিপিপি এবং সিদ্ধিরগঞ্জ ৩৩৫ মেঃওঃ সিসিপিপি-তে Integrated Management System (IMS) বাস্তবায়নের লক্ষ্যে পরামর্শক নিয়োগসহ অন্যান্য কার্যক্রম দ্রুত সম্পন্ন করা প্রয়োজন।	ইজিসিবি এর হরিপুর ৪১২ মেঃওঃ সিসিপিপি এবং সিদ্ধিরগঞ্জ ৩৩৫ মেঃওঃ সিসিপিপি-তে Integrated Management System (IMS) বাস্তবায়নের লক্ষ্যে পরামর্শক নিয়োগসহ অন্যান্য কার্যক্রম দ্রুত সম্পন্ন করতে হবে।	MR এবং DMR এবং তত্ত্বাবধায়ক প্রকৌশলী (প্রকিউরমেন্ট)।

আলোচ্যসূচি-১১ বিদ্যুৎ কেন্দ্রসমূহের PPA সংক্রান্ত

আলোচনা	সিদ্ধান্ত	বাস্তবায়ন
সভায় প্রধান প্রকৌশলী (পিএন্ডডি) অবহিত করেন যে, সিদ্ধিরগঞ্জ ২৫১২০ মেঃওঃ পিপিপির সংশোধিত PPA-টি স্বাক্ষর অক্টোবর তৃতীয় সপ্তাহ নাগাদ সম্পন্ন করা যাবে বলে আশা করা যায়। সিদ্ধিরগঞ্জ ৩৩৫ মেঃওঃ সিসিপিপির জন্য প্রস্তুতকৃত Power Purchase Agreement (PPA) চূড়ান্তকরণের কাজ চলমান আছে। হরিপুর ৪১২ মেঃওঃ সিসিপিপির বর্তমান Power Purchase Agreement (PPA) সংশোধনের লক্ষ্যে একটি কমিটি গঠনের জন্য পিজিসিবি এবং বিউবো থেকে কর্মকর্তা মনোনয়ন প্রদান করেন এবং তারই প্রেক্ষিতে পিজিসিবি, বিউবো এবং ইজিসিবি'র প্রতিনিধির সমন্বয়ে গঠিত কমিটি'র একটি সভা ০৯ অক্টোবর ২০১৯ তারিখে কর্পোরেট দপ্তরের সভা কক্ষে অনুষ্ঠিত হয়েছে।	সিদ্ধিরগঞ্জ ২৫১২০ মেঃওঃ পিপিপির সংশোধিত PPA-টি স্বাক্ষরের লক্ষ্যে ব্যবস্থা গ্রহণ করতে হবে। সিদ্ধিরগঞ্জ ৩৩৫ মেঃওঃ সিসিপিপির জন্য প্রস্তুতকৃত Power Purchase Agreement (PPA) দ্রুত চূড়ান্ত করতে হবে। হরিপুর ৪১২ মেঃওঃ সিসিপিপির বর্তমান Power Purchase Agreement (PPA) সংশোধনের লক্ষ্যে গঠিত কমিটির সুপারিশ অনুযায়ী ব্যবস্থা গ্রহণ করতে হবে।	প্রধান প্রকৌশলী (পিএন্ডডি) এবং / সিদ্ধিরগঞ্জ ২৫১২০মেঃওঃ পিপিপি/ সিদ্ধিরগঞ্জ ৩৩৫ মেঃওঃ সিসিপিপি।

আলোচ্যসূচি-১২ ই-ফাইলিং

আলোচনা	সিদ্ধান্ত	বাস্তবায়ন
সভায় তত্ত্বাবধায়ক প্রকৌশলী (পিএন্ডডি) অবহিত করেন যে, বিদ্যুৎ বিভাগের সাথে সম্পাদিত এপিএ অনুযায়ী দপ্তর/সংস্থা/কোম্পানির সকল শাখায় ই-নথি ব্যবহার করতে হবে এবং মোট নথির ৭০% এবং মোট পত্র জারির ৬০% ই-ফাইলের মাধ্যমে সম্পন্ন করতে হবে। এছাড়া, ইজিসিবি এর প্রতিটি শাখায় ডিজিটাল ফাইল রেজিস্ট্রার সংরক্ষণ এবং প্রতিটি শাখায় কয়টি নথি এবং পত্র জারি ই-ফাইলিং/হার্ড কপিতে সম্পন্ন হচ্ছে, সে বিষয়ে সকল শাখার সংশ্লিষ্ট কর্মকর্তা/কর্মচারীদের আইসিটি শাখার সহযোগিতায় এইচআর বিভাগ কর্তৃক ২৬/০৯/২০১৯ তারিখে একটি প্রশিক্ষণের আয়োজন করা হয়েছিল। সঠিকভাবে তথ্যের জন্য প্রতি মাসের ১ম কার্যদিবসে পূর্ববর্তী মাসের নথি সংক্রান্ত তথ্যাদি সকল বিদ্যুৎ কেন্দ্র এবং কর্পোরেট দপ্তরের সকল শাখা হতে এইচআর বিভাগে প্রেরণ করা প্রয়োজন।	(ক) ইজিসিবি এর সকল শাখায় ই-নথি ব্যবহার করতে হবে। (খ) মোট নথির ৭০% এবং মোট পত্র জারির ৬০% ই-ফাইলের মাধ্যমে সম্পন্ন করতে হবে। (গ) প্রতি মাসের ১ তারিখের মধ্যে পূর্ববর্তী মাসের নথি সংক্রান্ত তথ্যাদি সকল বিদ্যুৎ কেন্দ্র এবং কর্পোরেট দপ্তরের সকল শাখা হতে এইচআর বিভাগে সফট কপি ও হার্ড কপি আবশ্যিক ভিত্তিতে প্রেরণ করতে হবে।	বিদ্যুৎ কেন্দ্রের ব্যবস্থাপক (এইচআর) মহোদয়গণ এবং সকল বিভাগীয় প্রধান।

আলোচ্যসূচি-১৩ অফিসসমূহ পেপারলেস অফিসে রূপান্তর

আলোচনা	সিদ্ধান্ত	বাস্তবায়ন
সভায় নির্বাহী প্রকৌশলী (আইসিটি) অবহিত করেন যে, বিদ্যুৎ বিভাগের আওতাধীন দপ্তর/সংস্থা/কোম্পানির সমন্বয়ে অনুষ্ঠিত মাসিক সমন্বয় সিদ্ধান্ত অনুযায়ী সকল দপ্তর/সংস্থা/কোম্পানির অফিসসমূহ পেপারলেস অফিসে রূপান্তরের জন্য ইজিসিবি লিঃ এর বিভিন্ন দপ্তর সমূহের শতভাগ ই-ফাইলিং সংক্রান্ত সমন্বিত তথ্য আইসিটি শাখায় প্রতিমাসের ৫ তারিখের মধ্যে প্রেরণ করা হলে বিদ্যুৎ বিভাগের নির্দেশনা মোতাবেক প্রতি মাসের ০৭ তারিখের মধ্যে সমন্বয়-৩ অধিশাখায় প্রেরণ করা সম্ভব হবে। এছাড়া, ইজিসিবি এর সকল বিদ্যুৎ কেন্দ্র এবং কর্পোরেট অফিসে ERP এবং EAM বাস্তবায়িত হচ্ছে।	ইজিসিবিকে পেপারলেস অফিসে রূপান্তরের লক্ষ্যে গৃহীত লক্ষ্যমাত্রা অর্জনে সচেষ্ট হতে হবে এবং এ বিষয়ে অগ্রগতির শতকরা হার নির্ধারিত ছক মোতাবেক প্রতি মাসের ০৭ তারিখের মধ্যে সমন্বয়-৩ অধিশাখায় প্রেরণ করতে হবে। তাছাড়া আলোচনা মোতাবেক জন্য ইজিসিবি লিঃ এর বিভিন্ন দপ্তর সমূহের শতভাগ ই-ফাইলিং সংক্রান্ত সমন্বিত তথ্য এইচআর বিভাগ হতে আইসিটি শাখায় প্রতিমাসের ৫ তারিখের মধ্যে প্রেরণ করতে হবে।	মহা-ব্যবস্থাপক (এইচআর) এবং নির্বাহী প্রকৌশলী (আইসিটি)।

আলোচ্যসূচি-১৪ ইজিসিবি এর কর্পোরেট অফিসের জন্য ফ্লোর ভাড়া নেয়া এবং নতুন জমি ক্রয় সংক্রান্ত

আলোচনা	সিদ্ধান্ত	বাস্তবায়ন
ব্যবস্থাপনা পরিচালক মহোদয় ইজিসিবি এর ভাড়াকৃত ফ্লোরটির Interior Decoration কার্যক্রম সঠিকভাবে সম্পন্ন করার জন্য প্রকিউরমেন্ট শাখার সকল কর্মকর্তাকে ধন্যবাদ জ্ঞাপন করেন। সভায় তত্ত্বাবধায়ক প্রকৌশলী (প্রকিউরমেন্ট) অবহিত করেন যে, ইজিসিবি এর ভাড়াকৃত ফ্লোরটির Interior Decoration কার্যক্রম সম্পন্ন হয়েছে এবং ফ্লোরটিতে পিএন্ডডি ও অডিট শাখা স্থানান্তরিত হয়েছে। ফলে লেভেল-১৫ এবং লেভেল-১৬ এর যে স্থানগুলো খালি হয়েছে সেগুলোর নতুন করে Design করার প্রয়োজন। ইজিসিবি এর কর্পোরেট অফিসের জন্য আফতাবনগরে ন্যূনতম ১০কাঠা/২০কাঠা জমি ক্রয়ের লক্ষ্যে নতুন জমি অনুসন্ধান করা প্রয়োজন। উপ-মহাব্যবস্থাপক (হিসাব) সভাকে অবহিত করেন স্টার্ন হাউজিং এ প্লট দেখা হয়েছে। কিন্তু আরোও উপযুক্ত জায়গা নির্বাচনের জন্য আফতাবনগরে জমি দেখার নিমিত্ত তার সাথে কিছু সদস্য যোগ করা প্রয়োজন।	(ক) নতুন ক্রয়কৃত স্থানে পিএন্ডডি ও অডিট শাখা স্থানান্তরিত হওয়ায় লেভেল-১৫ এবং লেভেল-১৬ এর যে স্থানগুলো খালি হয়েছে সেগুলোর নতুন করে Design করার কাজ দ্রুত সম্পন্ন করতে হবে। (খ) ইজিসিবি এর কর্পোরেট অফিসের জন্য আফতাবনগরে জমি ক্রয়ের লক্ষ্যে নতুন জমি অনুসন্ধানের নিমিত্ত তত্ত্বাবধায়ক প্রকৌশলী (পিএন্ডডি) এবং উপ-মহাব্যবস্থাপক (অর্থ/অডিট/হিসাব) এর সমন্বয়ে একটি কমিটি গঠন করে এইচআর বিভাগ কর্তৃক একটি দপ্তরাদেশ জারী করতে হবে।	মহা-ব্যবস্থাপক (এইচআর) এবং তত্ত্বাবধায়ক প্রকৌশলী (প্রকিউরমেন্ট)।

আলোচ্যসূচি-১৫ কর্মকর্তা/কর্মচারীদের স্বাস্থ্য সেবা সংক্রান্ত

আলোচনা	সিদ্ধান্ত	বাস্তবায়ন
বিদ্যুৎ কেন্দ্রের কর্মকর্তা/কর্মচারীদের চিকিৎসা সেবা প্রদানের বিষয়ে মহাব্যবস্থাপক (এইচআর) অবহিত করেন যে, বিউবো'র সিদ্ধিরগঞ্জ ২১০ মেঃওঃ বিদ্যুৎ কেন্দ্রে বিউবো'র নিজস্ব চিকিৎসক পদস্থ থাকায় সম্মানীর বিনিময়ে ইজিসিবি এর সিদ্ধিরগঞ্জ এলাকায় অবস্থিত বিদ্যুৎ কেন্দ্রের কর্মকর্তা/কর্মচারীদের চিকিৎসা সেবা প্রদান করবে মর্মে বিউবো'কে পত্র প্রেরণ করা হয়েছিল যা বর্তমানে বিউবো'তে প্রক্রিয়াধীন রয়েছে।	বিউবো'র সিদ্ধিরগঞ্জ ২১০ মেঃওঃ বিদ্যুৎ কেন্দ্রে বিউবো'র নিজস্ব চিকিৎসক পদস্থ থাকায় সম্মানীর বিনিময়ে ইজিসিবি এর সিদ্ধিরগঞ্জ এলাকায় অবস্থিত বিদ্যুৎ কেন্দ্রের কর্মকর্তা/কর্মচারীদের চিকিৎসা সেবা প্রদান সংক্রান্ত বিষয়ে মহাব্যবস্থাপক	মহা-ব্যবস্থাপক (এইচআর)।

১৫

আলোচনা	সিদ্ধান্ত	বাস্তবায়ন
তিনি আরো উল্লেখ করেন যে, ইজিসিবি এর কর্মকর্তা/কর্মচারীদের যে কোন শারীরিক অসুস্থতায় প্রাথমিক সেবা প্রদান এবং ফার্স্ট এইড বক্সের ব্যবহারের বিষয়ে ইজিসিবি এর বিদ্যুৎ কেন্দ্রসমূহ এবং কর্পোরেট অফিস হতে কিছু সংখ্যক কর্মকর্তা/কর্মচারীকে প্রশিক্ষণ প্রদানের লক্ষ্যে রেড ক্রিসেন্ট এ ০৩ (তিন) দিন ব্যাপি প্রশিক্ষণের কার্যক্রম ১৪/১০/২০১৯ তারিখ থেকে শুরু হয়েছে।	(এইচআর) কে বিউবো'র সাথে সার্বক্ষণিক যোগাযোগ রক্ষা করতে হবে।	

আলোচ্যসূচি-১৬ বিউবো'র আওতাধীন হরিপুর ১০০ মেঃওঃ বিদ্যুৎ কেন্দ্রটি ইজিসিবি এর নিকট হস্তান্তর সংক্রান্ত

আলোচনা	সিদ্ধান্ত	বাস্তবায়ন
সভায় তত্ত্বাবধায়ক প্রকৌশলী (পিএন্ডডি) অবহিত করেন যে, মাননীয় প্রধানমন্ত্রীর নির্দেশনা ও প্রতিশ্রুতি বাস্তবায়নের লক্ষ্যে বাংলাদেশ বিদ্যুৎ উন্নয়ন বোর্ডের আওতাধীন হরিপুর ১০০ মেঃওঃ বিদ্যুৎ কেন্দ্রটি ইজিসিবি এর নিকট হস্তান্তরের জন্য প্রয়োজনীয় ব্যবস্থা গ্রহণের অনুরোধ করে গত ০৩ ডিসেম্বর ২০১৮ তারিখে ইজিসিবি কর্তৃক বিউবো'কে পত্র প্রেরণ করা হয়। বিদ্যুৎ বিভাগে অনুষ্ঠিত সভায় এ সংক্রান্ত বিষয়ে আলোচনা হয়েছে।	বাংলাদেশ বিদ্যুৎ উন্নয়ন বোর্ডের আওতাধীন হরিপুর ১০০ মেঃওঃ বিদ্যুৎ কেন্দ্রটি ইজিসিবি এর নিকট হস্তান্তরের লক্ষ্যে বিউবো এবং বিদ্যুৎ বিভাগের সাথে যোগাযোগ অব্যাহত রাখতে হবে।	প্রধান প্রকৌশলী (পিএন্ডডি)।

আলোচ্যসূচি-১৭ সিদ্ধিরগঞ্জে অবস্থিত ইজিসিবি এর বিদ্যুৎ কেন্দ্রসমূহে নিযুক্ত আনসারদের বসবাসের স্থান সংক্রান্ত

আলোচনা	সিদ্ধান্ত	বাস্তবায়ন
সভায় প্রধান প্রকৌশলী, সিদ্ধিরগঞ্জ ২৫১২০ মেঃওঃ পিপিপি অবহিত করেন যে, সিদ্ধিরগঞ্জে অবস্থিত ইজিসিবি এর বিদ্যুৎ কেন্দ্রসমূহে নিযুক্ত আনসারগণ সিদ্ধিরগঞ্জ বিদ্যুৎ কেন্দ্রের আবাসিক এলাকায় বসবাস করেন। এতে বিভিন্ন সামাজিক সমস্যার উদ্ভব হয়। আনসারদের বর্তমান আবাসস্থল আবাসিক এলাকা থেকে স্থানান্তর করার লক্ষ্যে বিউবো'র মাস্টারপ্ল্যান অনুযায়ী বিউবো'র আওতাধীন অত্র এলাকায় মাঠ সংলগ্ন আনসারদের পুরাতন ভবনটি ভেঙে উক্ত স্থানে আনসারদের জন্য নতুন বহুতল ভবন নির্মাণের লক্ষ্যে বিউবো'র চেয়ারম্যান বরাবর প্রেরিত পত্রের মোতাবেক জায়গা প্রাপ্তির বিষয়ে বিউবো'র সাথে সার্বক্ষণিক যোগাযোগ করতে হবে।	বিউবো'র মাস্টারপ্ল্যান অনুযায়ী বিউবো'র আওতাধীন অত্র এলাকায় মাঠ সংলগ্ন আনসারদের পুরাতন ভবনটি ভেঙে উক্ত স্থানে আনসারদের জন্য নতুন বহুতল ভবন নির্মাণের লক্ষ্যে বিউবো'র চেয়ারম্যান বরাবর প্রেরিত পত্রের মোতাবেক জায়গা প্রাপ্তির বিষয়ে বিউবো'র সাথে সার্বক্ষণিক যোগাযোগ করতে হবে।	প্রধান প্রকৌশলী, সিদ্ধিরগঞ্জ ২৫১২০ মেঃওঃ পিকিং পাওয়ার প্লান্ট।

আলোচ্যসূচি-১৮ Annual General Meeting (AGM) সংক্রান্ত

আলোচনা	সিদ্ধান্ত	বাস্তবায়ন
সভায় তত্ত্বাবধায়ক প্রকৌশলী (পিএন্ডডি) আলোচনা করেন যে, বার্ষিক কর্মসম্পাদন চুক্তি অনুযায়ী ১৫ অক্টোবর ২০১৯ এর মধ্যে Annual General Meeting (AGM) সম্পন্ন করার জন্য লক্ষ্যমাত্রা ছিল সেক্ষেত্রে পরবর্তী লক্ষ্যমাত্রা ১৫ নভেম্বর ২০১৯ এর মধ্যে সম্পন্ন করতে হবে। এ বিষয়ে উপ-মহাব্যবস্থাপক (হিসাব) বলেন যে, AGM সম্পন্ন করার জন্য কর্পোরেট অফিস এবং বিদ্যুৎ কেন্দ্রসমূহের অডিট কার্যক্রম শেষ পর্যায়ে আছে। অডিটর কর্তৃক Annual Accounts এর Report সরবরাহ সাপেক্ষ বাজেট এন্ড অডিট কমিটিতে উপস্থাপন করা	ইজিসিবি এর Annual General Meeting (AGM) ১৫ নভেম্বর ২০১৯ এর মধ্যে সম্পন্ন করার যাবতীয় ব্যবস্থা গ্রহণ করতে হবে। ইজিসিবি এর বার্ষিক প্রতিবেদন দ্রুত প্রস্তুত করতে হবে। বার্ষিক প্রতিবেদন প্রিন্ট করার জন্য যাবতীয় কাজ দ্রুত সম্পন্ন করতে হবে। চেয়ারম্যান মহোদয়ের সাথে আলোচনা	সকল বিভাগীয় প্রধান, উপ-মহাব্যবস্থাপক (হিসাব) এবং কোম্পানি সচিব।

আলোচনা	সিদ্ধান্ত	বাস্তবায়ন
যাবে। এ প্রেক্ষিতে নির্বাহী পরিচালক (প্রশাসন ও অর্থ) বলেন যে, AGM সম্পন্ন করার জন্য ইজিসিবি এর বার্ষিক প্রতিবেদন প্রিন্টের ব্যবস্থা দ্রুত সম্পন্ন করতে হবে এবং AGM এর ডেন্যু নির্ধারণ করা প্রয়োজন।	করতঃ AGM এর ডেন্যু নির্ধারণ করতে হবে।	

আলোচ্যসূচি-১৯ বৈদ্যুতিক কর্মপেশায় দক্ষ জনবল বৃদ্ধির লক্ষ্যে স্থানীয় লোকদেরকে ইলেক্ট্রিক্যাল ট্রেড বিষয়ে প্রশিক্ষণ প্রদান

আলোচনা	সিদ্ধান্ত	বাস্তবায়ন
সভায় প্রধান প্রকৌশলী, সিদ্ধিরগঞ্জ ২৫১২০ মেঃওঃ পিপিপি অবহিত করেন যে, বৈদ্যুতিক কর্মপেশায় দক্ষ জনবল বৃদ্ধির লক্ষ্যে স্থানীয় লোকদেরকে ইলেক্ট্রিক্যাল ট্রেড বিষয়ে প্রশিক্ষণ প্রদানের জন্য নারায়ণগঞ্জে যুব উন্নয়ন অধিদপ্তরের আওতাধীন প্রশিক্ষণ কেন্দ্র এবং UCEP Bangladesh এর সাথে যোগাযোগ করা হয়েছে। UCEP Bangladesh কর্তৃক উক্ত প্রশিক্ষণের জন্য একটি প্রাক্কলন প্রেরণ করা হয়েছে। UCEP Bangladesh কর্তৃক প্রদত্ত প্রাক্কলিত ব্যয় অত্যধিক হওয়ায় প্রাক্কলিত ব্যয় হ্রাসের বিষয়ে UCEP Bangladesh এর সাথে আলোচনা করা যেতে পারে।	বৈদ্যুতিক কর্মপেশায় দক্ষ জনবল বৃদ্ধির লক্ষ্যে প্রধান প্রকৌশলী UCEP Bangladesh এর সাথে প্রাক্কলিত ব্যয় হ্রাসের বিষয়ে দ্রুত আলোচনা করবে এবং আলোচনা সাপেক্ষে পরবর্তীতে ব্যবস্থা গ্রহণ করা হবে।	মহা-ব্যবস্থাপক (এইচআর) এবং প্রধান প্রকৌশলী, সিদ্ধিরগঞ্জ ২৫১২০ মেঃওঃ পিপিপি-কমিটির আহ্বায়ক।

আলোচ্যসূচি-২০ মাসিক সমন্বয় সভা, প্রকল্পের অগ্রগতি বিষয়ক সভাসহ অন্যান্য সকল সভার বিজ্ঞপ্তি সংক্রান্ত


আলোচনা	সিদ্ধান্ত	বাস্তবায়ন
সভায় ব্যবস্থাপনা পরিচালক আলোচনা করেন যে, ইজিসিবি এর বিভিন্ন দপ্তর/বিভাগের সমন্বয়ে অনুষ্ঠিত মাসিক সমন্বয় সভা, প্রকল্পের অগ্রগতি বিষয়ক সভাসহ অন্যান্য সকল সভার কার্যবিবরণী, বিভিন্ন দপ্তরাদেশ, বিভিন্ন সার্কুলার, মিটিং এর নোটিশ ইত্যাদি কর্মকর্তা/কর্মচারীদের ই-মেইল এর মাধ্যমে প্রদান না করে ইজিসিবি লিঃ এর ওয়েব সাইটে আপলোড করতে হবে। উক্ত বিজ্ঞপ্তিসমূহ দেখার জন্য ইজিসিবি এর কর্মকর্তা/কর্মচারীদের একটি নির্দিষ্ট সহজবোধ্য পাসওয়ার্ড আইসিটি শাখা কর্তৃক সরবরাহ করা যেতে পারে।	পূর্ববর্তী মাসের সভার কার্যবিবরণী অনুযায়ী সভাসমূহের বিজ্ঞপ্তি ইজিসিবি এর ওয়েবসাইটে প্রকাশ না করার কারণে ব্যবস্থাপনা পরিচালক অসন্তোষ প্রকাশ করেন। এই সভার আলোচনা অনুযায়ী মাসিক সমন্বয় সভা, প্রকল্পের অগ্রগতি বিষয়ক সভাসহ অন্যান্য সকল সভার বিজ্ঞপ্তি, বিভিন্ন দপ্তরাদেশ, বিভিন্ন সার্কুলার, মিটিং এর নোটিশ ইত্যাদি স্ব স্ব দপ্তর হতে নিজ উদ্যোগে আইসিটি শাখায় প্রেরণ করতে হবে। আইসিটি শাখা কর্তৃক মাসিক সমন্বয় সভা, প্রকল্পের অগ্রগতি বিষয়ক সভাসহ অন্যান্য সকল সভার বিজ্ঞপ্তি, বিভিন্ন দপ্তরাদেশ, বিভিন্ন সার্কুলার, মিটিং এর নোটিশ ইত্যাদি ওয়েব সাইটে প্রকাশ করতে হবে এবং কর্মকর্তা/কর্মচারীদের একটি নির্দিষ্ট সহজবোধ্য পাসওয়ার্ড সরবরাহ করতে হবে।	সকল দপ্তর প্রধানগণ, মহা-ব্যবস্থাপক (এইচআর), কোম্পানি সচিব, সকল বিভাগীয় প্রধানগণ এবং নির্বাহী প্রকৌশলী (আইসিটি)।

৫৮

আলোচ্যসূচি-২১ বিবিধ

আলোচনা	সিদ্ধান্ত	বাস্তবায়ন
সভায় উপ-বিভাগীয় প্রকৌশলী (পিএন্ডডি) অবহিত করেন যে, বিভিন্ন সময়ে মন্ত্রণালয়ে প্রতিবেদন প্রেরণের ক্ষেত্রে নির্দিষ্ট সময়সীমা থাকে। মন্ত্রণালয়ের চাহিদা অনুযায়ী বিভিন্ন দপ্তর হতে তথ্য সংগ্রহের প্রয়োজন হয়। তথ্য সংগ্রহের ক্ষেত্রে কিছু কিছু শাখায় যোগাযোগ করা হলেও সময়মত প্রতিবেদন পাওয়া যায় না বিধায় মন্ত্রণালয়ে সঠিক সময়ে প্রতিবেদন প্রেরণ সম্ভব হয় না। এ বিষয়ে সভার মাধ্যমে সকল দপ্তরকে সঠিক সময়ে পিএন্ডডি বিভাগে প্রতিবেদন প্রেরণের জন্য অনুরোধ করা হয়।	সঠিক সময়ে প্রতিবেদন না দেয়ায় ব্যবস্থাপনা পরিচালক অসন্তোষ প্রকাশ করেন এবং সঠিক সময়ে পিএন্ডডি বিভাগে প্রতিবেদন প্রেরণের নির্দেশ প্রদান করেন। এছাড়া, কোন দপ্তর হতে কত তারিখে পিএন্ডডি বিভাগে প্রতিবেদন প্রেরণ করতে হবে তা সার্কুলারের মাধ্যমে সকল দপ্তরকে অবহিত করতে হবে।	প্রধান প্রকৌশলী (পিএন্ডডি) এবং সকল বিভাগীয় প্রধান

২। আর কোন আলোচনা না থাকায় সভাপতি সকলকে ধন্যবাদ জ্ঞাপনের মাধ্যমে সভার সমাপ্তি ঘোষণা করেন।


 (প্রকৌশলী অরুন কুমার সাহা)
 ব্যবস্থাপনা পরিচালক
 ইজিসিবি।

স্মারক নং: ২৭.২৭.২৬৬৬.১০২.০২.০০৮.১৯. ২৭-০৮/২

তারিখঃ ০২ ফাল্গুন ১৪২৬
২৭ অক্টোবর ২০১৯

বিতরণ (সদয় অবগতি ও কার্যার্থে প্রেরণ করা হলো):

- ১) নির্বাহী পরিচালক (প্রশাসন ও অর্থ/প্রকৌশল), ইজিসিবি, ঢাকা।
- ২) প্রধান প্রকৌশলী, সিদ্ধিরগঞ্জ ২x১২০ মেঃওঃ পিপিপি/হরিপুর ৪১২ মেঃওঃ সিসিপিপি/সিদ্ধিরগঞ্জ ৩৩৫ মেঃওঃ সিসিপিপি, ইজিসিবি, নারায়ণগঞ্জ।
- ৩) প্রকল্প পরিচালক, সিদ্ধিরগঞ্জ ৩৩৫ মেঃওঃ কন্সাইন্ড সাইকেল পাওয়ার প্লান্ট নির্মাণ প্রকল্প, ইজিসিবি, নারায়ণগঞ্জ।
- ৪) প্রধান প্রকৌশলী (পিএন্ডডি), কর্পোরেট অফিস, ইজিসিবি, ঢাকা।
- ৫) কোম্পানী সচিব, ইজিসিবি, ঢাকা।
- ৬) সকল তত্ত্বাবধায়ক প্রকৌশলী/উপ-মহাব্যবস্থাপক, ইজিসিবি।
- ৭) ব্যবস্থাপক (এইচআর/প্রশাসন), কর্পোরেট অফিস এবং সকল বিদ্যুৎ কেন্দ্র, ইজিসিবি।

অনুলিপিঃ

১. অফিস কপি।

